



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

Sect. I. Qvandonam Angeli creati sint.

**urn:nbn:de:hbz:466:1-38954**

lestium motu & agitatione, quorum conuersionibus ad perpetuitatem concitandis & gubernandis necessarium existimauit, aliquas præesse substantias spirituales ab omni corporum concretione abstractas & separatas.

Vnde mirum est Sadducæos (vt Actorum 23. refertur) in illam hæresim vel potius cæxitatem incidisse, vt neque Angelum neque spiritum esse crederent, præsertim cum aliunde quinque libros Moysis tanquam canonicos reciperent, in quibus tamen crebra & manifesta fit Angelorum mentio.

Cæterum nomen Angeli, quod à Græco verbo ἄγγελος (id est nunciare) deriuatur, ex communis scriptura tum Ecclesia significat, creaturas illas spirituales; quæ idcirco tali nomine nuncupantur, quod sèpissime à Deo mitti dicantur ad mandata diuina hominibus significanda: quo etiam sensu per quamdam similitudinem sacerdotes in aliquibus scriptura locis Angeli appellantur, eo quod illorum officium præsertim fit Dei voluntatem hominibus nunciare & declarare.

## SECTIO I.

### *Quando nam Angeli creati sunt?*

**S**upponimus 1. tanquam fide catholica certissimum, Angelos à Deo creatos esse. Id patet ex scriptura. Ps. 148. Vbi postquam Dauid Angelos aliasque creaturas ad laudandum Deum inuitauit, de illis omnibus pariter subiungit: *Quia ipse dixit, & facta sunt: ipse mandauit, & creata sunt;* quo P̄lāmistæ testimonio hanc veritatem probat S. Aug. Lib. 11. de Ciuit. cap. 9. & ad Coloss. 1. In ipsis condita sunt: *omniera in celis, & in terra, visibilia & invisibilia, siue Throni, siue Dominationes, siue Principatus, suo potestates: omnia per ipsum, & in ipso creata sunt.*

Supponimus 2. eadem fide certum esse Angelos non fuisse creatos ab æterno; cum nulla omnino creatura fuerit ab æterno, vt supra probatum est, & probari insuper posset.

potest ex eo, quod sancti Patres disputantes contra Arianos communiter inferebant, Filium Dei esse verum Deum, quia scriptura manifeste dicunt illum esse ab aeterno, supponentes proinde tanquam certum & indubitatum, solum Deum esse ab aeterno.

His praesuppositis, quaeritur, quandonam Angeli creati sunt? Resp. tres esse diuersas super hac re sanctorum Patrum sententias. Quidam enim ex illis existimauerunt Angelos ante mundum corporeum fuisse creatos, ut S. Basil. hom. 1. & 2. in Hexaem. Hier. in c. 1. ad Titum, & alij quos refert Sixt. Senens. Lib. 5. biblioth. annot. 5. Quidam verò opinati sunt, illos fuisse creatos post mundum corporum, sicut anima primi hominis creata fuit post eius corpus; ita Gennadius & Achatius, ut refert Lipoianus in catena sua in Genes. Alij denique afferuerunt creatos illos fuisse simul cum mundo corporeo, ut S. Epiphanius hær. 65. sanct. Aug. Lib. 11. de Ciuit. cap. 9. sanct. Greg. Lib. 32. mor. cap. 10. & communiter omnes Doctores cum Magistro sententiarum in 2. dist. 2. & nominati sunt. sanct. Thomas 1. p. q. 61. a. 3. cum quibus proinde

Dicendum est Angelos simul cum hoc mundo corporeo & sensibili fuisse creatos.

Probatur 1. ex scriptura Gen. 1. In principio creauit Deus celum, & terram, &c. Dixitque Deus: Fiat lux; ubi caeli ac lucis nomine plenique Patres Angelos intelligent, ut sanct. Aug. suprà, sanct. Greg. Lib. 27. mor. cap. 25. Exod. 20. vbi dicitur: Sex diebus fecit Dominus celum & terram, & mare, & omnia, que in eis sunt; Angeloi autem in celis sunt, proindeque inter omnia illa, que sex diebus facta esse dicuntur, sunt numerandi.

Probatur 2. ex Conc. Lateran. sub Innocentio III. cap. 1. ubi dicitur, quod Deus simul ab initio temporis utramque de nihilo condidit creaturam, spiritalem, & corporalem; angelicam scilicet & mundinam.

Quare, an haec sententia afferens Angelos simul cum mundo corporeo fuisse creatos, sit de fide? quidam Doctores ita esse existimant, ut Greg. Ariminensis in 2. sent.

dist. 2. & Ferrarensis Lib. 2. contra gentes cap. 83. Melius tamen alij negant cum S. Thoma supra art. 2. & in opusculo in quo Lateranensis Conc. decretum supra relatum exponit, dicitque decretum hoc a Conc. Lateran. editum fuisse contra Originis errorem, qui spiritales creaturas solas ac per se ab initio conditas asserebat, corporales vero ex accidenti, ut in ipsis velut in quodam carcere spirituum quorundam delicta plecterentur; contra quem errorem Conc. definiuit utramque simul, hoc est pari consilio, conditam fuisse creaturam spiritalem & corporalem, idque ab initio temporis, hoc est non ab origine aeternitate.

## SECTIO II.

*Vbinam creati sint Angeli.*

**C**um super hac questione nihil aperte dicat scriptura, nec Ecclesia quidquam definierit; ideo variae sunt Theologorum sententiae: quidam enim Angelos in hoc aere creatos fuisse existimant; alij in inferioribus caelis; omnium probabilissime S. Thomas supra art. 4. existimat in caelo empyreum fuisse creatos, id quod etiam docuit Strabo in cap. 1. Gen. Beda hom. 2. Hexaemeron. & ferre omnes reliqui scriptores post Bedam. Probatur 1. ex eo, quod Is. 14. dicitur *Cecidisse de caelo Luciferum, & Apoc. 12.* factum esse praelium magnum in caelo: Michael, & Angeli eius prelabantur cum dracone, & draco pugnabat, & Angeli eius & non valuerunt, neque locus inventus est eorum amplius in caelo. Probatur 2. ex eo, quod (ut dicit S. Thomas supra) Angeli creati sunt, ut praesideant creatura corporeorum, ynde conueniens fuit, ut in supremo loco corporali producentur, cuiusmodi est illud caelum empyreum.

Quare, an de fide sit, caelum illud, quod communiter vocatur empyreum, existere? Resp. quod, quamvis super hac re nihil expressum ab Ecclesia definitum sit, quis tamen plurimi ex SS. Patribus tale caelum existere docuerunt,